

гласом. И приходящев уловляет и снедает. Тако и мысленныя скимни, беси, у бога просят да борют правоверных, и бравшеся, или победят, или победятся.<sup>2</sup> <sup>3</sup>Чти в Иове о сем, да разумеешь, еже есть реку сокращенно.

Придоша ангелы<sup>а</sup> поклонитися господеви, прииде же и диявол. Рече бог: «Несть под небесем таковаго, якоже Иов, человек праведен, непорочен, незлобив». И отвеща диявол: «Не тако чтет тя Иов, яко обл...<sup>б</sup> Аще дашь ми его искусити, да разумеши, яко тогда в лице тя благословит, сиречь проклянет. Кожа за кожу и вся человек отдаст за душу свою, сиречь от многа, де, много и дает». Господь же уступи ему, рек: «Вся ти во область предаю, ино токмо соблюди душу его». Он же вся<sup>в</sup> развоевал: скоты и дети погубил, и самого Иова язвою гнойною удари от главы и до ноги. Иов же умалился о сем, ниже боявся спасения своего, терпя, благодаря и глаголя: «Господь дал, господь взял. Буди име господне благословенно во веки». || Брався диявол и побежден бысть.<sup>4</sup> О сем л. 6 об. дозде.

Да разумеете реченное о нынешнем настоящем времени. Испрошением испроси велиар у владыки да ратует святую церковь. Якоже Златоуст рече, «На иудея», слово З: «Сего ради бог попускает рати, да же разжегутся, да же убелятся, да же явленни искуснии будут в вас». И апостол рече: «Себе искушайте, братие, себе искушайте». И Лествичник рече: «Аще ныне искусимся, да тогда огнь нас не искусит». Мы же на никониян стужаем, а сами в лености пребываем. Пускай их тружуются с чертьми около нас, промышляют наше спасение, никонияня-ловцы! Да ты сеть простертую гляди. Али не имаши очей видети писанная? Или не имаши ушей слышати слово божие? Али затмился ум просити помощи от всемогущия десницы? Проси, и не озирайся вспять, яко<sup>1</sup> Лотова жена. Но тако Авраам остави землю Халдейскую и преселися в Харран, и отуду погребше отца своего в землю обетованную. Просто рещи: не пекися о родителях, не брегших своего спасения, но дерзай за истиннаго Параклита пот топор, и во огонь, и на виселицу. Утешит он, свет наш, утешитель истинный, вечным утешением в век грядущий. А жены и дети предай владычице, богородице крепкой...<sup>4</sup>

(ГПБ, О. XVII. 37, л. 6—6 об.).

## V

...<sup>1</sup>меня в те поры. Я шапкою трякнул: «Отрясаю, реку, и прах при- л. 7 лепший от ног моих», — да и пошел. «Примись, — реку, — за меня, такой-сякой!» — идучи говорю. А что зделаешь? Нашю ж братию многих погубил.<sup>2</sup> Ну, простите мя господа ради и помолитесь о мне, грешнем, вас теша, да себе скудость творю. Молитесь о недостатках моих.<sup>3</sup> Станем добре, молю вы, не предадим благоверия, умрем же всяко.

Ленивой, пробудися! И ты с нами же дерзай, вниди во огонь господа ради. Не убоимся от убивающих тело, душа же не могущих убити. Испечемся, яко хлеб сладок, святей троице,<sup>4</sup> отдадим образу пообразная. Возри на распятого нас ради, человек, и нашего ради спасения, видим сына божия,

<sup>а</sup> В ркп. окончание стерто. <sup>б</sup> Далее стерто, можно разобрать лишь отдельные слова: ...внутренняя и внешняя... богатий... <sup>в</sup> Испр.; в ркп. вса. <sup>г</sup> Испр.; в ркп. якова. <sup>д</sup> На этом текст обрывается.

<sup>3-4</sup> Ср. послание Аввакума всем ищущим живота вечнаго: *Житие*, ГИХЛ, стр. 279—280.

<sup>1-2</sup> Ср. „Житие“ по Прянишниковскому списку, публикация В. И. Мальшева (ТОДРА, т. VIII, стр. 388). <sup>3-4</sup> Ср. послание „стаду верных“: РИБ, т. 39, стлб. 809.